



TEKS KHUTBAH JUMAAT SEMPENA

HARI TENTERA DARAT KE-90

“ Kesejahteraan Keluarga TD Diutamakan: Kedaulatan Negara Terjamin ”

(Bagi Bacaan pada Mac 2023)

الْحَمْدُ لِلَّهِ الَّذِي عَلَّمَ وَأَنْعَمَ , وَهَدَانَا بِالْقُرْآنِ لِلَّتِي هِيَ أَقْوَمُ
قَالَ تَعَالَى : وَأَعِدُّوا لَهُمْ مَا اسْتَطَعْتُمْ مِنْ قُوَّةٍ وَمِنْ رِبَاطِ الْخَيْلِ تُرْهِبُونَ بِهِ عَدُوَّ اللَّهِ

وَعَدُوَّكُمْ ... ﴿٥٠﴾ سورة الأنفال

أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ اللَّهُمَّ صَلِّ وَسَلِّمْ عَلَى سَيِّدِنَا
مُحَمَّدٍ وَعَلَى آلِهِ وَأَصْحَابِهِ أَجْمَعِينَ
أَمَّا بَعْدُ، فَيَا عِبَادَ اللَّهِ اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ

TUAN-TUAN PARA PEWARIS PERJUANGAN YANG DIRAHMATI ALLAH SEKALIAN,

Pada hari dan saat yang penuh keberkatan ini, saya menyeru kepada diri saya serta para jemaah sekalian untuk kita meningkatkan kualiti ketakwaan kita kepada Allah سُبْحَانَهُ وَتَعَالَى dengan melakukan apa yang diperintahkan dan meninggalkan apa yang ditegah. Sebagaimana pesanan Baginda صَلَّى اللَّهُ عَلَيْهِ وَسَلَّمَ melalui sabdanya:

أَنْ يُطَاعَ فَلَا يُعْصَى وَأَنْ يُذَكَّرَ فَلَا يُنْسَى وَأَنْ يُشْكَرَ فَلَا يُكْفَرُ

Maksudnya: *“Mentaati Allah dan tidak mengingkari perintah-Nya. sentiasa mengingati Allah dan tidak melupai-Nya. Bersyukur kepada-Nya dan tidak mengkufuri nikmat-Nya.”*

TUAN-TUAN PARA PEWARIS PERJUANGAN RAHIMAKUMULLAH.

Pada 1 Mac 2022 ini, genaplah 90 tahun usia Tentera Darat Malaysia menabur bakti di bumi tercinta ini. 90 tahun adalah satu tempoh waktu yang sangat panjang. Berdiri teguhnya Tentera Darat demi memastikan kedaulatan negara terpelihara. Tentunya ia adalah hasil daripada sumbangan bakti serta pengorbanan para pahlawan dan pejuang yang berjuang dengan penuh kegagahan dan kesetiaan, terus mengibarkan panji-panji perjuangan, untuk diwarisi oleh generasi kini.

Pejuang-pejuang ini telah melakarkan satu tinta sejarah untuk kita, melalui episod perjuangan menentang penjajahan Jepun, diikuti dengan era konfrantasi dan peperangan melawan insurgensi dan disusuli dengan tragedi pencerobohan di Lahad Datu. Ini semua merupakan manifestasi keberanian, kesetiaan, kekentalan, kesungguhan, kesabaran, keikhlasan serta kebanggaan mereka, dalam memikul amanah mempertahankan kedaulatan negara tercinta. Justeru, marilah kita memanjatkan doa serta merakamkan sekalung ucapan penghargaan dan terima kasih, kepada semua barisan kepimpinan pahlawan-pahlawan ini.

PARA PAHLAWAN, PEJUANG DAN HADIRIN SEKALIAN,

Pada tahun ini, Tentera Darat Malaysia menyambut ulangtahun penubuhannya yang ke-90 bertemakan **“Kesejahteraan Keluarga TD Diutamakan: Kedaulatan Negara Terjamin”**.

Tema ini selaras dengan misi dan visi perintah ulung Panglima Tentera Darat ke-28 yang Berlandaskan 3 Prinsip dan 5 Tonggak. Memetik daripada perintah ulung tersebut, pelestarian kesejahteraan warga adalah bersesuaian dengan komitmen yang telah dipamerkan selama ini di mana Tentera Darat sentiasa memperluaskan keperluan kebajikan, serta kesejahteraan warga dan keluarga. Dan menitikberatkan peningkatan dan kualiti rakyat serta kediaman warga.

Tentera Darat juga sentiasa komited memberi penekanan pada aspek kesihatan fizikal, mental, sosial serta pengukuhan aspek rohani dan akhlak warganya. Inilah intipati YBhg. Jeneral Tan Sri Dato' Seri Zamrose Bin Mohd Zain, Panglima Tentera Darat ke-28 agar keseimbangan semua elemen tersebut dapat membantu kerajaan dan rakyat dalam mengukuhkan hubungan demi menjamin kedaulatan negara. Bukan hanya ketika situasi konflik sahaja, tetapi termasuk ketika menghadapi bencana alam ataupun bencana kesihatan.

Bagi merealisasikan hasrat tersebut Tentera Darat juga sentiasa bersiap sedia bekerjasama dengan agensi-agensi kerajaan termasuk Polis Diraja Malaysia, Jabatan Bomba dan Penyelamat Malaysia, Jabatan Kastam Diraja Malaysia, Jabatan Imigresen Malaysia serta agensi-agensi yang berkaitan.

SIDANG HADIRIN SEKALIAN,

Sambutan yang dilakukan ini bukan sekadar sebuah sambutan perayaan. Sebaliknya ia adalah suatu peringatan kepada kita, bahawa keamanan yang dikecapi tidak datang dengan mudah. Ia adalah hasil percikan keringat, curahan tenaga dan titisan darah. Pengorbanan yang ikhlas atas semangat *hubbul watan* (cintakan negara) tidak akan lengkap tanpa kerjasama, bantuan dan dokongan dari rakyat. Ini kerana mengekalkan keamanan dan kedaulatan negara, adalah tanggungjawab kita bersama. Bertepatan dengan perintah Allah melalui ayat 2 dalam surah Al Maidah:

....وَتَعَاوَنُوا عَلَى الْبِرِّ وَالتَّقْوَىٰ وَلَا تَعَاوَنُوا عَلَى الْإِثْمِ وَالْعُدْوَانِ وَاتَّقُوا اللَّهَ إِنَّ اللَّهَ شَدِيدُ

الْعِقَابِ ﴿٢﴾

Maksud: *"Dan tolong-menolonglah kamu dalam (mengerjakan) kebajikan dan takwa, dan jangan tolong-menolong dalam berbuat dosa dan pelanggaran. Dan bertakwalah kamu kepada Allah, sesungguhnya Allah amat berat seksa-Nya".*

PARA PEJUANG DAN HADIRIN SEKALIAN,

Tentera Darat juga akan terus melakukan pelbagai penyesuaian, agar dapat berfungsi secara berkesan, supaya organisasi ini kekal relevan bagi memenuhi amanah dalam menjaga keamanan negara. Semua ini adalah berpaksikan kepada perintah Allah dan Rasul-Nya, yang memerintahkan agar pengurusan organisasi khususnya organisasi tentera, dilaksanakan dengan penuh sistematik dan teratur, sebagaimana firman-Nya dalam surah Al-Saff ayat 4 :

إِنَّ اللَّهَ يُحِبُّ الَّذِينَ يُقَاتِلُونَ فِي سَبِيلِهِ صَفًّا كَأَنَّهُمْ بُنْيَنٌ مَّرْصُورٌ ﴿٤﴾

Maksudnya: *“Sesungguhnya Allah menyukai orang yang berperang di jalan-Nya dalam barisan yang teratur seakan-akan mereka seperti suatu bangunan yang tersusun kukuh.”*

Sabda Baginda ﷺ yang bermaksud: *“Sesungguhnya Allah mencintai orang yang jika melakukan suatu pekerjaan dilakukan dengan “tepat, terarah dan tuntas.”*

HADIRIN RAHIMAKUMULLAH,

Tanggungjawab memelihara keamanan, keutuhan dan kedaulatan negara memerlukan komitmen semua lapisan masyarakat, buka ke atas tentera semata-mata. Secara logik, tugas mempertahankan negara merupakan tanggungjawab pasukan keselamatan. Manakala kewajipan memastikan bahawa pasukan berkenaan mampu menghadapi cabaran adalah tanggungjawab nasional.

Oleh itu, rakyat di negara ini perlu dipupuk semangat patriotisme dan perlu ditanam semangat untuk mempertahankan negara dalam apa jua keadaan sekali pun. Inilah yang dinamakan sebagai konsep pertahanan menyeluruh.

Sempena sambutan ini juga, marilah kita merenung ungkapan yang pernah disampaikan oleh sahabat Nabi iaitu khalifah Umar bin Abd Aziz

رَضِيَ اللَّهُ عَنْهُ dalam ucapannya ketika diberikan amanah. Selesai menunaikan solat, beliau berdoa dan menangis lalu mengadu kepada isterinya tentang keresahan beliau mengenangkan beban untuk menguruskan umat Nabi Muhammad صَلَّى اللَّهُ عَلَيْهِ وَسَلَّمَ katanya,:

“Aku terfikir tentang nasib orang fakir dan miskin yang kelaparan, orang sakit yang terlantar, orang yang tidak berpakaian, orang yang teraniaya, orang asing yang menjadi tawanan perang, orang tua, keluarga yang memiliki anak yang ramai tetapi hartanya sedikit dan orang lain seperti mereka yang terdapat di seluruh pelosok negeri. Aku mengenang bagaimana Tuhanku akan menanyakan dan memintaku bertanggungjawab ke atas mereka semua pada Hari Kiamat kelak. Aku takut jika aku tidak dapat memberikan keteranganku.”

Kezuhudan khalifah Umar bin Abdul Aziz ini sememangnya sangat luar biasa dan memerlukan mujahadah dan ketakwaan yang sangat tinggi untuk diteladani. Teguhnya beliau menjaga amanah dan melaksanakan tanggungjawabnya sebagai seorang pemimpin didasari atas dasar keimanan dan ketakwaan kepada Allah سُبْحَانَهُ وَتَعَالَى. Beliau juga menyedari hakikat bahawa setiap tanggungjawab itu akan dipersoalkan di akhirat kelak. Azab seksa Allah سُبْحَانَهُ وَتَعَالَى yang sangat dahsyat menunggu kepada pemimpin yang mencuaikan amanahnya.

Rentetan dari kisah tersebut, marilah kita meningkatkan daya juang masing-masing. Dalam konteks ini, daya juang adalah menjurus kepada kuasa tersembunyi dalam hati manusia, yang membuatnya sanggup berterusan bekerja dan berfikir dengan penuh keazaman dan keberanian, walau apa keadaan persekitarannya. Setiap warga hendaklah meningkatkan kepakaran dalam bidang yang diceburi, sebagaimana dinyatakan di dalam kitab Fiqh Jihad bahawa: “Rasulullah صَلَّى اللَّهُ عَلَيْهِ وَسَلَّمَ telah menyeru sekalian umatnya untuk melatih diri mereka sendiri dengan cara menggunakan senjata, hingga mereka mendapat kemahiran menggunakannya. Sekiranya tidak, maka senjata-senjata itu akan kehilangan nilainya.”

Maka sudah pasti daya juang yang disandarkan kepada keimanan yang jitu, akan membenihkan keberkatan dan diredhai Allah سُبْحَانَهُ وَتَعَالَى sebagaimana firman-Nya di dalam surah Ali- Imran ayat 160:

إِنْ يَنْصُرْكُمُ اللَّهُ فَلَا غَالِبَ لَكُمْ وَإِنْ يَخْذُلْكُمْ فَمَنْ ذَا الَّذِي يَنْصُرُكُمْ مِنْ بَعْدِهِ
وَعَلَى اللَّهِ فَلْيَتَوَكَّلِ الْمُؤْمِنُونَ ﴿١٦٠﴾

Maksudnya: “Jika Allah menolong kamu maka tidak ada sesiapa pun yang akan dapat mengalahkan kamu; dan jika ia mengecewakan kamu, maka siapakah yang akan dapat menolong kamu sesudah Allah (menetapkan yang demikian)? dan (ingatlah), kepada Allah jualah hendaknya orang yang beriman itu berserah diri”.

Bagi seluruh warga tentera darat khususnya dan seluruh rakyat di negara ini, marilah kita bersama-sama kembali mengamalkan ajaran Islam, supaya kita mendapat pertolongan dan perlindungan Allah سُبْحَانَهُ وَتَعَالَى. Mudah-mudahan dikekalkan nikmat keamanan dalam kalangan kita dan dijauhi segala malapetaka yang boleh menjejaskan usaha untuk membangunkan agama, bangsa dan negara.

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ مَا
سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ، إِنَّهُ
هُوَ الْغَفُورُ الرَّحِيمُ.



خطبة كدوا بولن مچ

2023M/ 1444H

الْحَمْدُ لِلَّهِ عَلَى الْآلَاءِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

٥٦ [الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نَبِيِّ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوَلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibn
Almarhum Sultan Haji Ahmad Shah Al-Musta'in Billah dan Kebawah
Duli Yang Maha Mulia Seri Paduka Baginda Raja Permaisuri Agong,

Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجَذَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَى نِعَمِهِ
يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾